

A 1736/kultur

Flytjandi	Flokkahópur jafnaðarmanna
Afgreiðsla	Norræna þekkingar- og menningarnefndin

Þingmannatillaga um norræna Svansvottun á mat, handiðn og hönnun

Tillaga

Flokkahópur jafnaðarmanna leggur til að

Norðurlandaráð beini þeim tilmælum til Norrænu ráðherranefndarinnar

að hún kanni möguleika á að innleiða Svansvottun á norrænum mat og norrænni handiðn og hönnun.

Bakgrunnur

Norræna umhverfismerkið Svanurinn var tekið í notkun árið 1989 fyrir tilstuðlan Norrænu ráðherranefndarinnar. Skrifstofur í löndunum taka við umsóknum fyrirtækja sem óska eftir því að umhverfismerkja vörur sínar. Skrifstofurnar fara í eftirlitsheimsóknir og annast markaðssetningu í löndum sínum. Hugmyndin með Svansmerkinu er að auðvelda neytendum að velja bestu vörurnar út frá umhverfisvænu sjónarmiði.

Svanurinn hefur fest sig í sessi sem umhverfismerking á vörum alls staðar á Norðurlöndum. Í norrænni markaðsrannsókn sem gerð var 2013 sögðust 96% aðspurðra þekkja til Svansins.

Norrænn matur, norrænt handverk og norræn hönnun eru þekkt um allan heim fyrir mikil gæði, sjálfbærni, sköpunarkraft og fegurð. Einnig hér þurfa neytendur leiðsögn til að geta valið réttu vörurnar út frá umhverfisvænu sjónarmiði og eins til að skera úr um hvort um sé að ræða mat, handverk og hönnun frá Norðurlöndum.

Viðmiðin geta verið gæði, sjálfbærni og listræn útfærsla. Hægt er að útfæra Svansmerkið í mismunandi litum fyrir þessa þrjá flokka nema ákveðið verði að setja handverk og hönnun undir sama merki. Merkingin á að stuðla að aukinni kynningu á norrænum mat, handverki og hönnun af miklum gæðum á Norðurlöndum og alþjóðlega. Fyrir vikið yrði eftirsóknarvert að sækja um Svansmerkingu á vörum sínum. Önnur áhrif yrðu þau að staðbundnir matarframleiðendur, handverksfólk og hönnuðir myndu leggja sig enn frekar fram um að viðhafa vandaða og sjálfbæra vinnuhætti við framleiðslu á vörum sínum og framfylgja sjálfbærnimarkmiðum SP.



Reykjavík, 19. september 2017

Annette Lind (S)
Erkki Tuomioja (sd)
Eva Sonidsson (S)
Gunvor Eldegard (A)
Irene Johansen (A)
Johan Andersson (S)
Jorodd Asphjell (A)
Karen J. Klint (S)
Karin Gaardsted (S)
Kjell-Idar Juvik (A)
Kåre Simensen (A)
Lennart Axelsson (S)

Maarit Feldt-Ranta (sd)
Odd Omland (A)
Oddný Harðardóttir (A)
Orla Hav (S)
Peter Johnsson (S)
Phia Andersson (S)
Pyry Niemi (S)
Rikard Larsson (S)
Sonja Mandt (A)
Suzanne Svensson (S)
Tony Wikström (ÅSD)